

COLOSENSES

Ra søcuą bi 'yorba ra Pablo ı yu 'yęc'yeyi bu ja ra dahnini Colosas

Ran zengua

1 Nugä drá Pablogä, ma 'bäigä'be ra Cristo Jesús, nangue rá pähä Oja. ²Ne dí yo'be ma cuhu ra Timoteo, dadí zengua ahü gätho yu 'yęc'yeyi ngue guí 'bühmbu bu ja ra hnini Colosas, dadín cuhu nangue n'dat'a dím bëmhbü ra Cristo. Ne dín ndehe ngue gätho ahü guin nuhu rán japi Oja ma Tahü, ne da hyut'a ni mbuihu.

Jamadi dí ęmfe Oja

³Nu'bu dí yahe Oja ngue rá Ta ma Hmuhu ra Jesucristo, thocua thoho dí ęmfe jamadi nangue ahü. ⁴Nguetho ya xtä øhmbe nangue ni t'ęc'yeyihu nangue ra Cristo Jesús, ne dá øhmbe ngue ja ahü ran huęcate nangue ni mi 'yęc'yeyihu. ⁵Nguetho guí tømhbü 'be'a gätho yun ho guin nuhu bu mahęts'i, ne guí tømhbü gue'bu go rá mbädi gmí 'yęc'yeyihu a ram hma majuani. ⁶Nu ran ho ma'da'yo ngue xcá 'yøhmbü, nuya din xandı, ne hønbu go hapü i pa, di pärra yú mbui yu ja'i, tengu

tho bin ja bu guí 'bühmbü 'bu gmí 'yęc'yeyihu njuantho rá mate Oja.

⁷Gmí 'yøhmbü ran ho ma'da'yo gue'a bi xi ahü man 'yo'be ra Epafras. Nugähe ęmme dadí huęje na, nguetho nuna ran 'yohü n'da rá 'yęhe ra Cristo, ne di ze ahü nangue rá 'befi Oja. ⁸Ne nuna ra Epafras bi xije ngue gadí huggahe nangue rá Hogandahi Oja di bęn'nahü. ⁹Ne nu'bu ra pa dá øhmbe ngue xun ho ni t'ęc'yeyihu ne nin huęcatehu, thocua thoho dí äfe rá ts'edi Oja nangue ahü, ngue gui pähmbü rá pähä Oja ne gui pähmbü rán 'yomfęni a rá Hogandahi Oja. ¹⁰Ne dí äfe rá ts'edi Oja ngue gam 'bühmbü tengu rán säui ı yú t'ahni Oja, ne thocua thoho zai gui 'yøthü a in numanho ra Hmu. Ne dí äfe Oja ngue gui 'yøthü yu hogant'øt'e, ne din te ni mbuihu ngue man'da gui pähmbü Oja. ¹¹Ne gätho nan gu rá ts'edi Oja dí äpähe nangue gätho yun unbi guín nuhu, ngue hin gan xømmbuihu. Ne nangue rá ts'edi Oja di ja ahü ngue hin di un'na ni mbuihu, ne din ja ahü ran johya. ¹²Janangue a da zä gui 'yęmfü

jamadi ma Tahu Oja, nguetho bi hogahu da zä ga comhbü 'be'a gätho di un yu 'yęc'yęi guepu bí ja rán nequi. ¹³Ne bi yanju Oja bu ja rá ts'edi ra 'bexui, ne bi zixgahu bu di manda rá Ts'unt'u di huęqui. ¹⁴Ne nu'a rá Ts'unt'u bi gurca ma ts'oquihü, ne gue'a í zä bi pungahu Oja a.

Rá 'befi bi 'yøzehe ra Cristo

¹⁵Ne nu Oja hingui sä da nu n'da, pe nu ra Cristo ngue 'da'angudui Oja, ne bin ja'i ua ja ra häi tengu tho 'bu dá nuhu Oja. Nu ra Cristo mi 'bu 'bu rá mbüdi thoho, 'bu nte mi ja ua. ¹⁶Ne nangue rá ts'edi Oja ra Cristo bi 'yøt'e 'be'a gätho i ja ne to'o gätho i 'bui, guecua ja ra häi, nepu mahęts'i, nu'u di nequi ne'u hin di nequi, gätho u i ja yú ts'edi, ne'u ęmbi i jase yú ts'edi, pe nu ra Cristo bi 'yøt'e gätho u ngue di manda u. ¹⁷Ne nu'a ra Cristo mi 'bui nu'bu ma hin'yü ua ra ximhäi. Ne nangue rá ts'edi di jamansu xun ho gätho 'be'a bi 'yøt'e, ne gue'a ní bõmanho a. ¹⁸Nu gätho yu 'yęc'yęi i 'bui n'dam'bui tho i øt'e tengu'bu n'danja'i tho, nu ra Cristo tengu'bu rá ya a. Ne di un ra temazaı yu 'yęc'yęi. Ne nu'a, rá mbüdi ngue bi dąmbęni a. Janangue a hin'yü man'da ra ts'edi nuıxte tengu rá ts'edi a. ¹⁹Nguetho bi zän Oja hønt'a rá Ts'unt'u bi unni gätho rá ts'edi. ²⁰Ne nu'bu mí mbän rá ji ra Cristo bu ja ra pont'i, bi 'berpa yú ts'edi u gätho madın sühmbü Oja i 'bucua ja ra häi nepu mahęts'i. Ne gue'a dí hocpi gätho 'be'a i ja, ne gue'a dí hocpa u to'o gätho in nde. ²¹Ne nu'a ra Cristo bi

hogahu, nguetho yatho dá 'uehmbü bu rá 'yu Oja, ne mí øthu yan ts'o, ne gue'a dán sühmbü Oja a. Pe nuya Oja sä da numanhoju. ²²Nu Oja bi hogahu gätho ma ts'oquihü, nguetho rá ja'i ra Jesús bi nu ran unbi ne ran dąte nangueju. Janangue'a xtán hotho gahu 'bu bi dąju bu 'bu Oja, ne hin da dınga ma ts'oquihü. ²³Pe nu'bu guın nde ngue din ja ahü bu, pe jatho thocua thoho gui 'yęc'yęihü, ne hin gui 'yon nin 'yomfęnihü. Ne gui thoqui gui tømhbü ran ho ma'da'yo gá 'yøhmbü, nu'a bi sih yu ja'i gätho ra ximhäi. Ne n'dat'a ram hma dí øt'a ngue dí m pøngahyağä, guecä drá Pablogä.

Rá 'befi ra Pablo

²⁴Ne nugä di johya ma mbui 'bu dın nu ran unbi nangue ahü. Ne xun zän Oja ga comhbü rán unbi ra Cristo, nguetho yú mbeti gahu a. Nu'a bi nu ran unbi nangue gätho yu 'yęc'yęi, necä dın nu ran unbi tengu bi zän Oja ngue gan nugä. ²⁵⁻²⁶Ne bi huancä Oja gätho yu 'yęc'yęi ga pepi, ngue ga xih ran ho ma'da'yo. Ne nu'a ran ho ma'da'yo ní gua a rām hman Oja a, ngue im ma gätho him mam fadı mam'bet'o. Nguetho gue'bu rá mbüdi thoho njom mí pađi. Ne nu'bu mám 'bühmbü buya, ne ja dá pađmbü buya. ²⁷Ne nuna ram hma him mam fadı, ngue dim 'bupü ra Cristo bu mbo ma mbuihü, ngue gätho dyú 'yęc'yęihü i 'buh ra ximhäi, ne'u hing yu judío. Ne nangue dim 'bupü mbo ma mbuihü ra Cristo, sä ga tømhbü a rán ho nuıxte bí ja bu mahęts'i. Ne guehna ran t'øt'e

nuxte in ndeju Oja ga p̄hmbu ya. ²⁸Janangue a nu ran ho ma'da'yo dím mamhbe ne dí xánbahe xun ho, ne gátho yu ja'i dí xihmbe ran ho, nangue bi 'dacá ran 'yomfëni Oja. Nguetho dí ndepe gátho da mba ma hocpi yú mbui u, nu'bu i p̄adi 'be'a bi 'yörba ra Cristo. Ne da zä dim 'bui xun ho ra Cristo bu mbo yú mbui buya. ²⁹Janangue a gátho ma mbui dí øt'ä ma 'befi, nangue ra ts'edi ngue bi 'dac ra Cristo dí øt'ä.

2 Nugä drá Pablogä dín nde ahü gui p̄hmbu ngue dí h̄adumbui dí äpä rá ts'edi Oja nangue ahü gyú 'yëc'yëihü. Ne'u ngue 'bupü ra hnini Laodicea ne gátho u mi'da ngue njam'bu mi nugui. ²Dín nde ahü ngue da hyu ni mbuihü, ne n'dat'a guim bëmhbü nangue i ja ahü nin hügcatehü n'da ngu n'da ahü. Ne hin te di 'bedi ngue gui p̄hmbu nangue ra Cristo, nguetho 'be'a gátho him mam f̄adi sä gui t̄imhbü nangue ra Cristo. ³Pe nangue ra Cristo sä gui t̄imhbü 'be'a him mam f̄adi nangue rán 'yomfëni ra Cristo. Ne hont'a ra Cristo sä da 'yut ahü rán 'yomfëni Oja. ⁴Nuna guehna dí xi ahü na, nguetho 'bui 'da nde da hyä ahü, emme mahotho im man u, pe him majuañi. ⁵Nugä hinga 'darbu dí 'buhmbü ya, pe i so ma mbui nangue ahü. Ne emme i hu ma mbui 'bu dí øde ngue hingui cuent' ni mbuihü, ne hingui tap a ni mbuihü u yu hyäte, nangue ni t'ëc'yëihü nangue ra Cristo. ⁶Nde'bu thocua thoho gan 'yohü ra Cristo Jesús ra Hmu, nguetho ya gá sin a ra Cristo ngue dím Hmu bu ja ni mbuihü, ne bi du nangue ahü. ⁷Nu

ra Cristo tengu'bu ra da'yü a, ne n'dat'a guí comhbü rá te ni mbuihü, ne gue'a nán te ni mbuihü a. Ne dami zacua ni t'ëc'yëihü, tengu bi sän'nahü. Ne zai gui 'yëmfu jamadi Oja gátho bi 'da ahü.

Dí comhbü ra 'da'yote ra Cristo

⁸Damin jamansuhü ngue hin din ts'on ni t'ëc'yëihü nangue 'be'a im man i 'da yun 'yohü, ngue nde da hyä ahü. Pe im bense a i xi ahü, ne him majuañi a i xi ahü. Gue'u yám hmanse yun 'yohü im ma mi'da yu hmu hin di nequi di manda ua ja ra ximhäi, ne hin rán t'ëdi ra Cristo u. ⁹Pe nangue a ra Cristo da zä ga p̄hmbu xun ho Oja. Nguetho Oja bin ja'i nangue rán gøc'yëi ra Cristo, ne nte di 'bedi gátho i ja a Oja nangue rá ja'i ra Cristo. ¹⁰Janangue a nu'bu dín 'yohü ra Cristo, i jaju 'be'a gátho dí homhbü. Ne nu'a ra Hmuts'ut'abi a, ne hont'a di manda gátho 'be'a i ja. ¹¹Ne nu'bu má ëc'yëihü ra Cristo, bi thegahü gátho ma ts'oquihü gátho gahü, ne ahü ngue hing yu judío ahü. Ne gue'a njuantho ran thequi in nu Oja a bi 'yot ahü ra Cristo. ¹²Nguetho nu'bu mán xixyahu, tengu'bu 'darbu bi t'ägahü a ra Cristo, ngue dá sohmbü bu ma nyon 'yomfënihü. Ne tengu'bu 'darbu dá thambënihü ra Cristo bu ja ra 'da'yote, nguetho dí ëc'yëihü rá ts'edi Oja bi xox'a ra Cristo 'bu mi du, nangue rá ts'edi xun ndoho. ¹³Ne nu'bu hin ní hoc ni mbuihü, gátho ahü ngue hing yu judío ahü, tengu'bu gyú duhu nangue ni ts'oquihü, ne hin gmi comhbü ran hoqui bi man Oja maya'bu. Pe nu Oja bi ja ahü ne'ahü

dá comhbũ ra tema'da'yo ra Cristo, ne bi pungahũ gátho ma ts'oquihũ. ¹⁴Ne nuju hin dá jashũ yún t'edi Oja, o gue'a ran hocja'i dí pashũ hin dá jashũ a, ne gue'a gá dín dupatehũ a. Pe bi gurga man dupatehũ a ra Jesús 'bũ mi du bũ ja ra pont'i. Ne gue'a ní hogahũ Oja a. ¹⁵Ne nangue a 'be'a bi 'yõt' ra Cristo 'bũ mi du bũ ja ra pont'i, bi 'berpa yú ts'edi Ʃ i ɛna i ja yú ts'edi ngue hin di nequi. Ne bi japi ngue bi mbe'ts' yú sã 'bũ mi hnu ngue bi dã a ra Cristo.

Ga homhbũ ga øthũ ngue dyũ menguhũ bũ mahɛts'i.

¹⁶Janangue a njon da zã da xijũ ga sufũ 'be'a dí sihũ, ne njon da zã da xijũ jatho ga sufũ n'da ran go, gue'ũ yũ t'ungopa, o gue'ũ yũ pa ran ts'äya. ¹⁷Ne nuya yũn t'edi ɛmbi xũn dũxqui, bi man Oja maya'bũ ngue bi xi Ʃ yũ judío, pe 'da yũ patho Ʃ. Ne din t'es' 'bũ bá ɛh ra Cristo Ʃ, nguetho yũ hmepya thoho nangue a ra Cristo. Pe nuya bi zøh ra Cristo, ne gue'a majuani i ja rá ts'edi a. ¹⁸Ne masque i si ahũ gui 'behmbũ rán japi Oja 'bũ hin gui thãndehũ yũm 'behni Oja mahɛts'i. Pe o guí suhũ. Gue'a im man Ʃ 'da, nguetho ɛmbi ran 'yets'i 'bũ dí thãndehũ ra Cristo, nguetho i ja rá ts'edi. Pe go i ɛn Ʃ hing ran 'yets'i 'bũ ga thãndehũ Ʃ i coh yú ts'edi, ngue yũm 'behni Oja mahɛts'i. Pe im manse, ne him bi 'yut Oja, nguetho ɛmme xũn ts'o yún 'yomfɛni Ʃ. ¹⁹Pe nu'ũ hin'yũ 'be'a yún jahũ ra Cristo. Pe nuju dyũ 'yɛ'yɛihũ dí 'bũhmbũ ra Cristo tengu'bũ n'danja'i tho dí comhbũ. Nu ra Cristo tengu'bũ ra ya, ne di

bɛngahũ yũn 'yomfɛni xũn ho, ne gue'a nán te ma mbũihũ a, tengu bi zãn Oja.

'Darbũ dá tuhũ ra Cristo ne 'darbũ dí 'bũhmbũ a

²⁰Ha hin gá tuhũ ra Cristo, ne guí ɛna gá hyehmbũ yún t'øt'e ra ximhäi. Pe hanja guexta a gní 'yøthũ tengu'bũ rá mbeti ahũ ra ximhäi, ngue guí ødahũ yún t'edi Ʃ to'o ɛmbi di manda ua ja ra ximhäi. ²¹Ngue sã i ɛn ahũ: “Yo guí thãhmbũ ya, ne o guí sahũ ya, ne o guí hãxhũ ya.” Pe nde'bũ hin gan hyehmbũ ngue di 'bep ahũ Ʃ yún t'edi Ʃ. ²²Pe gátho ya ɛnju ga sufũ, pe an ts'anni gátho ga homhbũ ne din thegue. ²³Ne ɛna gue'bũ gue'a ran 'yomfɛni xũn ho a im man ya yũn 'yohũ, nguetho im man a n'da ran thãnde ngue hin dín 'yɛx a n'da, ne im ma da zethoho 'be'a in nde n'da. Pe mfãdi hinga gue'a, nguetho hinga gue'a ní zerpa ní mbũi n'da 'bũ im bɛni da 'yõt' ran ts'o.

3 Pe gam bɛmhbũ ngue 'darbũ dá thãmbɛnihũ ra Cristo, tengu'bũ ya dá sohmbũ ra ximhäi. Janangue a ga homhbũ ga øthũ ngue dyũ menguhũ bũ mahɛts'i, ngue ya dí 'bũhmbũ ra Cristo, ne nu'a i 'bũpũ ja rán 'yei Oja, i conhui rá ts'edi a. ²Gam bɛmhbũ tengu bũ nam bɛn Ʃ 'bũpũ mahɛts'i, ne hin gam bɛmhbũ tengu bũ nam bɛn Ʃ 'bucua ja ra ximhäi. ³Gam bɛmhbũ ngue 'darbũ dá tuhũ ra Cristo, ne nuya 'darbũ bi 'besca ma tehũ ra Cristo bũ bí ja rá ts'edi Oja, bũ nam bɛn a. ⁴Nu ra Cristo dá simhbũ mbo ma mbũihũ, ne gue'a ma tehũ i jajũ a ya. Ne nu'bũ bi hnu a rá ts'edi

nuixte ra Cristo, neju da hnu ngue dí comhbü rá nuixte a.

Hønt'a ma'da'yo gam bẽmhbü ya

⁵Janangue a nuya gätho yün ts'o ra ximhäi i ja bü mbo ma mbüihü ga hehmbü, tengu'bü dán hyosehü. Hin dan 'yomt'ẽnihü, xin ga øthü yu 'yasä, ne ga eshü u yu ts'on'yomfẽni. Xín dan siyatehü, nguetho tengu'bü dí thãndehü u yu oja ngue him majuani. ⁶Pe gue guehya da nu rán ts'ẽmbi Oja nts'utho, ngue gätho u hin di jamansu 'be'a im man Oja. ⁷Nu'ehü ngubü gmí øthü 'bü gmí 'yohü bü ja ra 'bexui. ⁸Pe nuya dami hyehmbü 'be'a gmím bẽnbahü ni mijã'ihü ya, gätho ra cue, ne dami hyehmbü a gní 'yẽt'ambüihü ran ts'o. Ne o gadí c'aman'u ni mijã'ihü nangue ra ts'ore, ne gui 'yeshü nangue ra ts'ore i pøn ni ndehü. ⁹Ne o gadín xihmbü yu fẽhni n'da ngu n'da ahü, nguetho ya gá pähmbü nin 'yomfẽnihü ne gätho 'be'a gmí øthü. ¹⁰Ne nuya i ja ahü ma'da'yo nin 'yomfẽnihü. Pe nu Oja man'da man'da di 'da ahü ran 'yomfẽni, da gohi tengu thoho rán 'yomfẽni ra Cristo, ngue bi 'dajü ra 'da'yote. ¹¹Nu ra Cristo 'da'angu bü na nu yu ja'i, madague hønt'a go 'be'a má ja'i, yu griego, o gue yu judío o gue hing yu judío, o gue yum 'bũdapo ja'i, o gue yu 'yẽhẽ, o gue hing yu 'yẽhẽ. Nu ra Cristo in 'yohü hønt'a to'o nde da 'yẽc'yẽi, ne nangue ra Cristo ga tĩmhbü gätho dí homhbü. ¹²Ne nangue rán huçcate Oja ya bi huancahü ngue ga ẽc'yẽihü. Janangue a nde'bü ga øthü ran hocja'i, ne hin dan 'yẽxhü,

ne ga ørbahü ran ho ma mijã'ihü, ne din ja ma yembüihü, ne hin dan xømbüihü 'be'a da t'ørcahü. ¹³Ne dam punbahü n'da ngu n'dajü nu'bü da 'yørcahü ran ts'o n'da, tengutho bü í pungahü ra Cristo. ¹⁴Pe man'da ẽmme hnehi thoho ga øthü ran huçcate, hin te dadí 'behmbü 'bü. ¹⁵Ne ga jafü ra Cristo di manda gahü, n'damhma dim 'bũmanho ma mbüihü. Nguetho ya bá zoncahü Oja ngue dam 'bũmhbü tengu'bü n'danja'itho. Ne thocua thoho ga xihmbü ra jamadi 'be'a bi 'yørcahü Oja. ¹⁶Ne gam bẽmhbü ráam hman ra Cristo, ne nangue ráam hma din jajü ran 'yomfẽni xun ho. Ne gue'a dán xãnbahü a n'da ngu n'dajü. Ne ga ẽmfü jamadi Oja nu'bü dí tuhmbü yu thuhu, o gue díam mamhbü ráam hman Oja. ¹⁷Ne 'be'a gätho dí øthü, ne 'be'a gätho díam mamhbü, pe ga øthü a dí t'ẽspa ra Hmu Jesús. Ne ga ẽmfü jamadi Oja ma Tahü, nangue a ra Jesús.

Dam 'bũmanhohü bü ja ma ngumhbü

¹⁸Ne nu ahü gyü xisuhü, dami 'yøhmbü 'be'a im man ni ndøhü, nguetho gue'a rán säui n'da ra 'yẽc'yẽi. ¹⁹Ne nu ahü gyün 'yohühü, dami huçc ni xisuhü, ne hin gui sũmhbü u. ²⁰Ne nu ahü gyü t'ũhniü, dami 'yøthü 'be'a gätho man ni tahü ne ni mbehü, nguetho gue'a in numanho Oja a. ²¹Ne nu ahü gyü tahü, ne gyü mbehü, hinga thocua tho gui sũh ni t'ũhniü, janangue a mpähã thoho da 'yøt'a guín numanhohü. ²²Ne nu ahü gyü 'yẽhẽhü ne gyü mbefihü, dami 'yøthü 'be'a gätho nde ni hmuhü, yu ja'i. Pe hinga hønt'a guim bẽmhbü

da numanho ahũ Ʃ, pɛ gue'a Oja guín ndehũ da numanho ahũ. Janangue a gui 'yøthũ xũn ho ni 'befihũ ngue dí numanho ahũ Oja. ²³Ne nu'ũ 'be'a gátho ní 'befi guí øthũ, gui 'yøthũ xũn ho, nguetho hinga hønt'a ra ja'i ni hmuhũ, pɛ nese a Oja. ²⁴Nguetho ya guí pãhmbũ a ra herencia di 'dajũ ra Cristo, ngue i juadi xũn ho, ne gue'a majuãni ni Hmuhũ a. ²⁵Pɛ nu'ũ to'o i øt' ran ts'lo, Oja di cospa a bi 'yøt'e, madague a hønt'a go to'o ní ja'i.

4 Ne nu ahũ gyũ hmuhũ, dami 'yørpahũ ran ho ni 'yɛhɛhũ o gue ni mbefihũ, nguetho guí pãhmbũ i 'bũpũ mahɛts'i ni Hmuhũ.

Man'da ran zofo

²Ne gátho gahũ hin dan xømbũihũ nangue dan yaɦũ Oja, ne thocua thoho ga xihmbũ jamadi Oja 'be'a gátho di 'dajũ. ³Ne nu ahũ damin yaɦũ Oja nanguecãhe, ngue di jaje ga thoje gam mamhbe ráam hma, ne ga xih yũ ja'i 'be'a bi 'yurcahũ, ram hma ngue him mam faði, ngue dim 'bũpũ mbo ma mbũihũ ra Cristo. Ne nugã dí ofãdigã nguetho díam mangã na ram hma. ⁴Dami 'yãfũ rá ts'edi Oja ngue da bømanho 'be'a díam mangã, ngue 'be'a bi 'yurcahũ, nguetho jatho gam mangã xũn ho a. ⁵Ne dami jamansu ni mbũihũ, janangue a nu yũ ja'i hing yũ 'yɛc'yɛi da nu ngue majuãni guín 'yohũ ra Cristo. Ne dãman ɛyahũ gui xihmbũ nangue ra Cristo. ⁶Dami zomanhohũ yũ ja'i, ne hin gui 'yũthũ Ʃ, pɛ dãmí hyurpahũ yú mbui. Pɛ ga pãhmbũ 'be'a dá thãhmbũ n'da ngu n'da, nangue a ran ho di bɛngahũ Oja ngue ga xihmbũ.

Ran zengua ran zegui

⁷Nuna ma zũ cuhũ ra Tíquico, ɛmmɛ dadí huɛcã na, ne bi mbãxqui xũn ho ngue dá øt'be rá 'befi Oja. Nu'bũ bi zøm bũ, da xi ahũ gátho 'be'a dadí jagã. ⁸Janangue a dí pɛhndã bũ ya, ngue gui pãhmbũ 'be'a dí jagãhe ua. Ne nu'a da hyut a ni mbũihũ nangue ra Cristo. ⁹Ne da mbɛ ra Tíquico ma cuhũ ra Onésimo, nuna i ɛc'yɛi xũn ho na, nehna dadí huɛcã na. Nuna n'da ra mengu bũ guí 'bũhmbũ, ne da xi ahũ 'be'a gátho bin ja ua. ¹⁰Nehna ma mi ofãdi'be ra Aristarco, i pen'nahũ ran zengua, ne ra Marcos rá meni ra Bernabé i pen'nahũ ran zengua. Ne ya dá xi ahũ nangue ra Marcos, ne nu'bũ da zøm bũ, dami simhbũ xũn ho. ¹¹Nehna ra Jesús í Justo i pen'nahũ ran zengua. Pɛ høndi hyutho ya ma mijudíohe ngue yũ 'yɛc'yɛi dadím pɛhmbɛ ua nangue rá 'befi Oja, ne guehya hyu ɛmmɛ i hurca ma mbui. ¹²Ne nuna i pen'nahũ ran zengua na ra Epafras, n'da ra mengu bũ guí 'bũhmbũ, ne rá 'yɛhɛ ra Cristo na. Ne zãi i äp rá ts'edi Oja nangue ahũ, ngue hin gui pãh nin 'yomfɛnihũ nangue ra Cristo, pɛ njuãntho gui 'yøthũ rá pãhã Oja. ¹³Ne majuãni díam mangã nangue ra Epafras, ngue ɛmmɛ xũ hyãdumbũ in yaui Oja nangue ahũ, pɛ hinga høn'a thohũ, pɛ ne'ũ yũ 'yɛc'yɛi i 'bũpũ ja ra hnini Laodicea, ne'ũ 'bũpũ ja ra hnini Hierápolis. ¹⁴Nu'a ra Lucas, ra médico, ɛmmɛ dadí huɛjũ a, ne'a i pen'nahũ ran zengua. ¹⁵Necã dra Pablogã dí penpa ran zengua yũ

'yɛc'yɛi ngue i 'bɔpɔ ja ra hnini Laodicea, nɛ'a man juhɔ nanguɛ ra Cristo ra Ninfas, nɛ gátho ɛ yɛ 'yɛc'yɛi ngue dim peti bɔ rán gu. ¹⁶Nɛ nu ahɛ, nu'bɔ gá jua a gá mamhbɛ na ra sɔcuɔ dí pɛn'nahɛ ya, dami thocpahɛ ɛ yɛ 'yɛc'yɛi bí 'bɔpɔ ja ra hnini Laodicea. Nɛ'a man'da ra sɔcuɔ dá pɛhndá bɛ

Laodicea, dami nuhɛ bɛ. ¹⁷Nɛ nu'i gra Arquipo, pɛ i jaua a dí xi a'i. Dami 'yɔt'e xɛn ho ra 'bɛfi ngue bi 'da a'i ra Hmu, nɛ hingui ts'ɛtho gui 'yɔt'e. ¹⁸Nugá dra Pablogá, dá o't'á ua na man zɛngua nanguɛ ma 'yɛsɛ. Pɛ damim bɛmhɛ ngue dí ofädigá. Ojɔ di jamansu ahɛ nɛ da mbáx ahɛ. Nɛ hɔnt'a dí xi'ahɛ ya.